

Н.А. Шайкеновтың 70 жылдық мерейтойына арналған сыныптан тыс ашық сабақ

Осы жылдың наурыз айында кемеңгер ғалым, заң ғылымының докторы, профессор, тәуелсіз мемлекетіміздің заңдылық тұрғыдан аяққа тұруы мен дамуына айтарлықтай өз үлесін қосқан мемлекеттік және саяси көрнекті қайраткер Шайкенов Нағашбай Аманғалиұлы 70 жасқа толар еді. Н.А. Шайкенов тәуелсіз мемлекетіміздің заңдылық құқықтық жүйесін қайта құруға алғашқылардың бірі болып атсалысып, қоғамдық қарым-қатынасқа жаңа өмір қарқынын енгізіп, түбегейлі өзгеріс механизмін іске қоса алды.

Ұлағатты ұстаз, көрнекті ғалым Н.А. Шайкеновтың 70 жылдық мерейтойына орай, Бостандық ауданы КММ №81 мектеп-гимназияның «8Ә» сынып оқушыларына, мектеп басшылығының, ұстаздардың қатысуымен «Қазақстан Республикасындағы «Неке және отбасы» туралы» сыныптан тыс құқықтық ашық сабақ өткізілді.

Аталған ашық сабақ Алматы қаласы Білім басқармасы «Білім мекемелерінде құқықтық жалпы міндетті оқыту», ортабуын оқушыларына арналған құқықтық жалпыға бірдей заңдылық білім беру (5-8 сыныптар үшін) бағдарламасы аясында өткізілді.

«8Ә» сынып жетекшісі жоғары санатты ұстаз, «Лидер образования» медалінің иегері Садықова Алия Рысбайқызы оқушыларға сыныптан тыс ашық сабақ мақсатын, міндеттерін және сабақтың өту формасын түсіндірсе, «Шайкенов шәкірттері Ассоциациясы» Қоғамдық бірлестігі мүшелері, заңгер-нотариус Такишева Гүлшат және заңгер Дауылбаев Диас ҚР Неке (ерлі-зайыптылық) және отбасы туралы Кодексіне сәйкес ашық сабақ тақырыбына заңдылық және құқықтық тұрғыдан сараптама берді. «Неке және отбасы» туралы заңгерлерден алған білімдерін нығайту мақсатында оқушыларға кәмелеттік жасқа толмаған қызды өз еркіне қарсы алып қашу туралы ситуациялық ойын тапсырмасы беріліп, қорытынды шешім шығаруда заң өкілдерінің рольдерін сомдады.

Сыныптан тыс ашық сабақ соңында оқушылар шығарған шешімге заңгер мамандар кәсіби талдауларын жасап, ситуацияға байланысты жәбірленуші мен айыпталушының құқықтарын және заң өкілдерінің заңдылық тұрғыдағы іс-әрекеттеріне толыққанды сипаттама берді.

Сабырбек Ж.Б.
Доктор PhD
Медицина факультеті